

Minister Michelle Hooyboer-Winklaar:

Cantidad di alumno na Colegio San Nicolas a redobla y ta existi expansion di facilidadnan

Preparando e scol pa un futuro ainda mas exitoso



ORANJESTAD – Actualmente Colegio San Nicolas tin casi 600 alumno, o sea dobel e cantidad di alumno cu e scol tabatin apenas tres pa cuater aña pasa. E entusiasmo pa e scol, cu actualmente ta ofrece e curriculum completo di HAVO, ta sigui crece y ta rekeri tambe pues mas docente y mas espacio pa duna les y pa cu otro actividadnan.

Hubert Goedgedrag, kende desde dia 1 di augustus ta rector di e scol, ta splica cu e ta hopi satisfecho cu ta ehecutando riba e verbouwingplan cu ta forma parti di e masterplan pa e scol y esaki sigur ta un contribucion na e cambionan grandi cu e scol ta pasando aden. E “lerarenkamer” nobo ta casi dos biaha mas grandi cu esun cu nan a cuminsa cu ne. A reemplaza e mueblenan tambe. E kantooran nobo, cu ta pertenece na e prome fase ya ta cla; cu esaki e “lerarenkamer” a conoce un expansion importante. Den e ultimo vakantie grandi tambe e scol a conoce algun

cambio, mas dirigi riba e alumnonan. A verf e lokaalnan y a crea mas luga pa sinta pa e alumnonan por socialisa mas trankilo cu otro. Minister di Enseñansa Mi-



chelle Hooyboer-Winklaar ta hopi satisfecho cu e desaroyonan tumando luga na Colegio San Nicolas y a bishita e scol recientemente pa un recorrido y un combersacion cu e rector.

Ademas di e trayectorio completo di HAVO, Colegio San Nicolas ta ofrece tambe e opcion di un “twee-jarigtraject” y un “drie-jarigtraject” na alumnonan. Esaki ta encera cu e alumno di HAVO 3 y e graduado di MAVO por completa e ultimo dos añanan di HAVO den dos aña of den tres aña.

Minister Hooyboer ta contento pa mira e trabao fantastico cu ta tumando luga na Colegio San Nicolas. E ta un inversion esencial, segun e mandatario ta splica, como cu esaki ta e unico HAVO na San Nicolas y su crecemento ta prueba di su rol importante den e comunidad di e San Nicolas, y di Aruba henter.

Colegio San Nicolas tin un luga sumamente importante



E titular di enseñansa a bisa cu crecemento di e scol ta traduci den necesidad nan specifico tambe pa su adelanto y ta siguiendo cu e plan

tin aspectonan di su infraestructura cu no ta adecua y ta deteriora por falta di mantenimiento y renobacion na tempo. Tin diferente fase di trabao cu ta na FDA actualmente pa aprobacion pa cumpli cu e transformacion di e scol. E meta ta pa logra tur trabao riba un schedule bastante strak cu ta permiti pa e trabaoonan tuma luga sin cu e muchanan ni e docentenan ta wordo stroba den nan curriculum.

Minister Hooyboer-Winklaar a expresa cu e filosofia di e scol ta uno cu ta pas den su forma di pensa y traha, esta cu scolnan mester enfoca riba saca semper lo maximo for di cada estudiante. Sinembargo pa haci esaki posibel mester provee e ambiente apropia tambe, tanto den e parti fisico/infraestructural como e parti di cuidu social emocional di e alumnonan y e docentenan.

Concluyendo, e mandatario a comenta cu e ta contento cu e por contribui y aporta na e desaroyo positivo di e comunidad di Colegio San Nicolas. □

den e desaroyo di e comunidad di Aruba, unda cu ta brinda e alumno un opcion mas pa completa su scol secundario di un nivel mas halto, cual ta dun’e acceso directo na scolnan di nivel HBO, universidadnan na Merca y otro institucionnan di educacion avansa y profesional.

Rector Goedgedrag a laga sa cu su team ta trahado duro riba e nivel di prestacion di e alumnonan, tur docente ta cooperando cu e proceso y ta haciendo un apelacion na mayornan tambe pa nan sosten.

E scol ta pidi pa mayornan di nan parti duna e hobennan un poco mas atencion, puntranan con cosnan ta bayendo na scol, yuda brinda nan mas guia y asina ta yuda pa e proceso na scol bay miho.

